

西句作皆閉昆明莫能通師古曰為昆滇王與漢使言漢

孰與我大師古曰與猶如及夜郎侯亦然各自以一州王不知

漢廣大使者還因盛言滇大國足事親附師古曰言可專事招來之

令其天子注意焉及至南粵反上使馳義侯因犍為發親附

南夷兵且蘭君恐遠行旁國虜其老弱師古曰恐發兵與漢行後其國

空虛而旁國來寇鈔取其老弱也且音子餘反乃與其眾反殺使者及犍為太

守漢廼發巴蜀罪人嘗擊南粵者八校尉擊之會越已

破漢八校尉不下中郎將郭昌衛廣引兵還行誅隔滇

道者且蘭師古曰言因軍行而便誅之也斬首數萬遂平南夷為牂柯

郡夜郎侯始倚南粵南粵已滅還誅反者師古曰謂軍還而誅且蘭

乾隆四年校刊